

文学名著

# 中国古典

# 文学

# 宝库

齐豫生 夏于全 主编

# 中国古典文学宝库

第二十四辑

延边人民出版社

(全一百三十二辑)

## 第二十四辑目录

### 全元散曲·下

|           |       |
|-----------|-------|
| 马谦斋·····  | (563) |
| 任 昱·····  | (567) |
| 张子坚·····  | (578) |
| 高 拭·····  | (579) |
| 钱 霖·····  | (581) |
| 顾德润·····  | (583) |
| 曹 德·····  | (587) |
| 董君瑞·····  | (590) |
| 王举之·····  | (592) |
| 邵元长·····  | (597) |
| 周 浩·····  | (598) |
| 王 晔·····  | (599) |
| 王仲元·····  | (605) |
| 张鸣善·····  | (612) |
| 赵 雍·····  | (616) |
| 鲜于必仁····· | (617) |
| 贯云石·····  | (623) |
| 贯石屏·····  | (639) |
| 徐再思·····  | (640) |
| 杨朝英·····  | (658) |
| 仇州判·····  | (662) |

|           |       |
|-----------|-------|
| 阿里西瑛····· | (663) |
| 卫立中·····  | (664) |
| 吴西逸·····  | (665) |
| 阿鲁威·····  | (673) |
| 李齐贤·····  | (676) |
| 李伯瞻·····  | (677) |
| 贾 固·····  | (678) |
| 大食惟寅····· | (679) |
| 沈 禧·····  | (679) |
| 宋 鑒·····  | (684) |
| 杨维桢·····  | (685) |
| 高克礼·····  | (686) |
| 刘庭信·····  | (687) |
| 李 洵·····  | (700) |
| 倪 瓒·····  | (701) |
| 梁 寅·····  | (704) |
| 舒 頔·····  | (705) |
| 刘婆惜·····  | (706) |
| 高 明·····  | (706) |
| 邵亨贞·····  | (708) |
| 夏庭芝·····  | (709) |
| 汪元亨·····  | (710) |
| 谷子敬·····  | (722) |
| 郝仲谊·····  | (724) |
| 汤舜民·····  | (725) |
| 杨景贤·····  | (796) |
| 李唐宾·····  | (798) |
| 詹时雨·····  | (799) |

|      |       |
|------|-------|
| 贾仲明  | (800) |
| 邓玉宾  | (814) |
| 孙周卿  | (820) |
| 李邦基  | (824) |
| 景元启  | (825) |
| 吕济民  | (829) |
| 查德卿  | (830) |
| 武林隐  | (835) |
| 赵显宏  | (836) |
| 唐毅夫  | (841) |
| 李爱山  | (842) |
| 王爱山  | (844) |
| 爱 山  | (846) |
| 朱庭玉  | (847) |
| 李德载  | (862) |
| 程景初  | (863) |
| 赵彦晖  | (864) |
| 杜遵礼  | (869) |
| 孙季昌  | (870) |
| 秦竹村  | (873) |
| 李致远  | (874) |
| 童童学士 | (883) |
| 沙正卿  | (885) |
| 吕天用  | (887) |
| 杨立斋  | (888) |
| 王 氏  | (890) |
| 赵 莹  | (892) |
| 邦 哲  | (893) |

|      |       |
|------|-------|
| 宋方壶  | (894) |
| 睢玄明  | (901) |
| 邓玉宾子 | (903) |
| 张彦文  | (904) |
| 陈德和  | (905) |
| 丘士元  | (907) |
| 云龕子  | (909) |
| 王 玠  | (911) |
| 谢应芳  | (913) |
| 徐 曠  | (913) |
| 一分儿  | (914) |
| 孟 昉  | (914) |
| 兰楚芳  | (916) |
| 张碧山  | (922) |
| 柴野愚  | (923) |
| 刘伯亨  | (923) |
| 李子昌  | (926) |
| 张 氏  | (927) |
| 方伯成  | (929) |
| 黑老五  | (930) |
| 李邦祐  | (932) |
| 王元和  | (933) |
| 胡用和  | (934) |
| 季子安  | (937) |
| 顾鉴中  | (938) |
| 萧德润  | (940) |
| 赵君祥  | (941) |
| 无名氏  | (942) |

全元散曲  
下



## 马谦斋

## 小 令

## 【中吕】快活三过朝天子四边静

## 春

海棠娇，恰睡足，牡丹香，正开初。只愁春色在须臾，休教燕子衔春去。鞦韆，景物，芳草碧重城路。五花娇马七香车，帘挂锦珂鸣玉。箫鼓声中，园林佳处，翠鬟歌红袖舞。近黄公酒垆，诵坡仙乐府，直吃到月转垂杨树。明时难遇，百岁光阴过隙驹。休教辜负，春来春去。榆钱乱舞，难买春光住。

## 夏

恰帘前社燕忙，正枝头楚梅黄。当空畏日炽炎光，杨柳阴迷深巷。北堂，草堂，人在羲皇上。亭台潇洒近池塘，睡足思新酿。竹影横斜，荷香飘荡，一襟满意凉。醉乡，艳妆，〔水调〕谁家唱？红尘千丈，岂羡功名纸半张？渔樵闲访，先生豪放，诗狂酒狂，志不在凌烟上。

## 秋

菱荷衰，翠影稀。豆花凉，雨声催。谁家砧杵捣寒衣？万物皆秋意。燕归，雁飞，霜染芙蓉醉。长江万里鲈正肥，谩忆家乡

味。啸月吟情，凌云豪气，岂当怀宋玉悲！赏风光帝里，贺恩波凤池，喜生在唐虞世。香山叠翠，红叶西风衬马蹄。重阳佳致，千金曾费。黄橙绿醅，烂醉登高会。

### 冬

李陵台，草尽枯。燕然山，雪平铺。朔风吹冷到天衢，怒吼千林木。玉壶，画图，费尽江山句。苍髯脱玉翠光浮，掩映楼台暮。画阁风流，朱门豪富，酒新香开瓮初。毡帘款款，橙香缓举，半醉偎红玉。相对红炉，笑遣金钗剪画烛。梅开寒玉，清香时度。何须蹇驴，不必前村去。

## 【越调】柳营曲

### 太平即事

亲凤塔，住龙沙，天下太平无事也。辞却公衙，别了京华，甘分老农家。傲河阳潘岳栽花，郊东门邵平种瓜。庄前栽果木，山下种桑麻。度岁华，活计老生涯。

### 怀古

曾窖约，细评薄，将业兵功非小可。生死存活，成败消磨，战策属谁多？破西川平定干戈，下南交威镇山河。守玉关班定远，标铜柱马伏波。那两个，今日待如何？

### 楚汉遗事

楚霸王，汉高皇，龙争虎斗几战场。争弱争强，天丧天亡，成败岂寻常。一个福相催先到咸阳，一个命将衰自刎乌江。江山空寂寞，宫殿久荒凉。君试详，都一枕梦黄梁。

## 叹 世

手自搓，剑频磨，古来丈夫天下多。青镜摩挲，白首蹉跎，失志困衡窝。有声名谁识廉颇？广才学不用萧何。忙忙的逃海滨，急急的隐山阿。今日个，平地起风波。

## 【双调】沉醉东风

## 嘲妓好睡

摇不醒鸾交凤友，搬不回燕侣莺俦。莫不是辛子妻，陈抟友？百忙里蝶梦庄周。衲被蒙头万事休，真乃是眠花卧柳。

## 自 悟

恣瓯内潋滟莫掩，瓦盆中渐浅重添。线鸡肥，新篘醖。不须典琴留剑，二顷桑麻足养廉，归去来，长安路险！

取富贵青蝇竞血，进功名白蚁争穴。虎狼丛甚日休，是非海何时彻？人我场慢争优劣，免使傍人做话说，咫尺韶华去也。

## 【双调】水仙子

## 雪 夜

一天云暗玉楼台，万顷光摇银世界。卷帘初见阑干外，似梅花满树开，想幽人冻守书斋。孙康朱颜变，袁安绿鬓改，看青山一夜头白。

## 别 情

紫鸾箫吹彻凤凰鸣，金缕词歌水调声。钱行诗诉不尽临岐兴，唱《阳关》忍泪听，笑谈间席上风生。杨柳堤边怨，河梁别后情，再和谁步月闲行？

## 贺文卿鬻篴

薛阳霜夜楚江秋，太乙西风莲叶舟。贺郎近日都参透，占中原第一流，尽压绝前代箜篌。起赤壁矶边恨，感铜驼陌上愁，名满皇州。

## 燕山话别

满斟芳醕别长亭，相送王孙出上京。玉骢且莫敲金镫，听阳关第四声，临岐执手论情。千古思前训，一心怀志诚，休担阁半纸功名。

## 咏 竹

贞姿不受雪霜侵，直节亭亭易见心。渭川风雨清吟枕，花开时有凤寻，文湖州是个知音。春日临风醉，秋宵对月吟，舞闲阶碎影筛金。

## 赠刘圣奴捣箏

蛾眉扫黛鬓堆蝉，凤髻盘鸦脸衬莲。粉香初拭银箏面，把鸾胶整旧弦，玳筵前两件儿依然。崔怀宝酬了心愿，薛琼琼得了赦免，旧风流尚在樽前。

任 昱

小 令

【正宫】小梁州

湖上分韵得玉字

波涵玉镜浸晴晖，鸣玉船移。玉箫吹过画桥西，玉泉内，玉树锦云迷。【么】玉楼帘幕香风细，玉阑干杨柳依依。飞玉觞，留玉佩；玉人沉醉，花外玉骢嘶。

闲 居

结庐移石动云根，不受红尘。落花流水绕柴门，桃源近，犹有避秦人。【么】草堂时共渔樵论：笔儿曹富贵浮云。椰子瓢，松花酝；山中风韵，乐道岂忧贫？

春 怀

落花无数满汀洲，转眼春休。绿阴枝上杜鹃愁，空拖逗，白了少年头。【么】朝朝寒食笙歌奏，百年间有限风流。玳瑁筵，葡萄酒；殷勤红袖，莫惜捧金瓯。

## 【南吕】金字经

### 湖上僧寺

竹雨侵窗润，松风吹面寒，云母屏开非世间。闲，不知名利难。凭阑看，夕阳山外山。

### 重到湖上

碧水寺边寺，绿杨楼外楼，闲看青山云去留。鸥，飘飘随钓舟。今非旧，对花一醉休。

### 秋宵宴坐

秋夜凉如水，天河白似银，风露清风湿簟纹。论，半生名利奔。窥吟鬓，江清月近人。

### 书 所 见

胜概三吴地，美人一梦云，花落黄昏空闭门。因，青鸾宝鉴分。天涯近，思君不见君。

## 【中吕】上小楼

### 题 情

团圆未成，婵娟空病。桂子虚庭，翠羽围屏，雁足寒檠。巴到明，空自省，青楼薄幸，恨分开凤钗鸾镜。

## 隐 居

荆棘满途，蓬莱闲住。诸葛茅庐，隐令松菊，张翰莼鲈。不顺俗，不妄图，清高风度，任年年落花飞絮。

## 【中吕】朝天子

## 村 居

杜门，守贫，知有归田分。春风渐入小洼樽，勤饮姜芽嫩。乡党朱陈，讴歌尧舜，向东皋植杖耘。子孙，更淳，闲把诗书训。

## 信 笔

九霄，早朝，曾赴金门诏。珠玉在挥毫，胸次谁同调？谈笑枚皋，风流温峤，恣疏狂直到老。尽教，醉了，走马长安道。

## 道 院

翠峰，锦宫，香霭丹霞洞。来寻采药鹿皮翁，煮茗为清供。静听松风，闲吟《橘颂》，碧天凉月正中。九重，赐宠，一觉黄梁梦。

## 题 情

渭城，雨晴，柳不系黄金镫。梨花小院又清明，误了寻芳兴。香减吴绫，尘蒙秦镜，碧纱窗和闷扃。柴荆，晓莺，巧语无心听。

## 【中吕】满庭芳

### 寄 友

香笼锦帟，歌讴白苎，人比红梅。风流杜牧新诗意，字字珠玑。桑落酒朝开绮席，杜陵花夜宿春衣。陶然醉，金勒马嘶，归路柳边迷。

### 春 暮

云扃睡起，香销宝鼎，暖试罗衣。甫能宴罢兰亭会，又见春归。花片片翻成燕泥，柳依依也锁蛾眉。重门闭，绿阴树底，怕听杜鹃啼。

## 【中吕】红绣鞋

### 湖 上

新亭馆相迎相送，古云山宜淡宜浓，画船归去有渔篷。随人松岭月，醒酒柳桥风，索新诗红袖拥。

### 春 情

暗朱箔雨寒风峭，试罗衣玉减香销，落花时节怨良宵。银台灯影淡，绣枕泪痕交，团圆春梦少。

### 重到吴门

槐市歌阑酒散，枫桥雨霁秋残。旧题犹在画楼间。泛湖赊看月，寻寺强登山。比陶朱心更懒。

芳草岸能言鸭睡，荻花洲供饌鲈肥，天平山翠近金杯。水多寒气早，野阔暮空低，隔秋云渔唱起。

### 和友人韵

茅屋秋风吹破，桂丛夜月空过，淮南招隐故情多。无心登虎帐，有梦到渔蓑，不归来等甚么？

## 【中吕】普天乐

### 吴门客中

九秋天，三吴地，江空寒早，天远书迟。黄菊开，丹枫坠。流水行云无拘系，好光阴枉自驱驰。尘心自洗，清风绿绮，明月金杯。

### 湖上

浣花溪，方壶地，呼猿领鹤，问柳寻梅。行厨白玉盘，进酒青楼妓。惊起沙头鸳鸯睡，棹红云乘兴而回。冰壶影里，笙歌远近，水榭高低。

### 花园改道院

锦江滨，红尘外，王孙去后，仙子归来。寒梅不改香，舞榭今何在？富贵浮云流光快，得清闲便是蓬莱。门迎野客，茶香石鼎，鹤守茅斋。

### 暮春即事

被诗魔，将花探，春深渭北，绿满江南。残红鱼浪香，接叶莺巢暗。古往今来无心勘，习家池日日春酣。人生易感，青铜似月，白发盈簪。